



PREZIDÉNSIA KONSELLU MINISTRUS

V GOVERNUN KONSTITUSIONÁL

DÍLI, LORON 23 FULAN DEZEMBRU TINAN 2013

KOMUNIKADU IMPRENSA

Sorumutu estraordináriu Konsellu Ministru nian iha loron 23 fulan Dezembru tinan 2013

Governu hala'o sorumutu estraordináriu iha loron Segunda ne'e, loron 23 fulan Dezembru tinan 2013, iha sala sorumutu Konsellu Ministru nian, iha Palásiu Governu, Dili, no aprova tiha ona:

1. Lisensiamentu Institusionál no Akreditasaun Inisiál Universidade Dili (UNDIL) no Univesidade Orientál Timór Loro-sa'e (UNITAL)

Iha segimentu husi lisensiamentu institusionál no akreditasaun universidade sira, ne'ebé hahú iha tinan 2007, Konsellu Ministru aprova ona akreditasaun Universidade UNDIL no UNITAL, ne'ebé iha hela "Períodu Probatóriu nia laran".

Iha fulan Outubru tinan ida-ne'e nian, Ajénsia Nasionál Avaliasaun no Akreditasaun Akadémika (ANAAA), organizmu akreditasaun nian ne'ebé iha responsabilidade atu asegura qualidade ensinu superiór iha Timor-Leste, halo avaliasaun foun ida kona-ba Lisensiamentu Institusionál no Akreditasaun – faze da-3, UNDIL no UNITAL nian, rekomenda ona akreditasaun ba univesidade rua ne'e, ho kondisaun balun. Painél avaliasaun nian konta ho avaliador internasionál na'in rua, Prof. Doutór Nirwan Idrus (Malázia) no Doutór Manuel Corpus (Filipina), no mós ho avaliadora nasional, Sra. Dirce Belo, Ofisiál Qualidade ANAAA nian.

Konsellu Ministru decide atu respeita rekomendasaun husi ANAAA, hodi aprova akreditasaun universidade rua ne'e nian, hodi garante katak ANAAA tenke akompañia kumprimentu kondisaun sira ne'e nian. Ajénsia ne'e mós tenke monitoriza universidade hirak ne'ebé hetan tiha ona akreditasaun uluk ona.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608